



Synfocity = 950

mail us at : mzsynfo@gmail.com; mizoramsynod@gmail.com - Phone - 2314648

August 16, 2024

❑ Synod Puipaten Chief Minister an hmu

August 12, 2024 (Thawhtanni) khan Synod Puipaten Mizoram Chief Minister chu a pisaah an hmu a, inkawm hona hun tha tak an hmang.

Synod Puipate hian Corruption a rem theih nan Lok Ayukta thuam chak te, loh theih lohah chauh Restricted Tender kalpui te, Project Cost ennawn thin tihbo te, Contract hralh chhawn leh thin tihbo te tha an tih thu CM hnenah hian an thlen a. CM hian Synod Puipate hi tha taka lo dawngsawngin, rawtna an thlente chu sawrkarin a kalpui mek leh tihhlawhtlin a tum mekte a nih thu a lo hrilh a ni.

Kum 2022 Synod Inkhawmpuiaah khan Presbytery pariat atangin Corruption do chungchang thu a lut a, Synod chuan, "Kohhranin hlemhletna(Corruption) do kawngah nasa zawkin hma lak tha kan ti a, SEC-in lo bawhzui rawh se," tiin a rel a. SEC hian Synod Social Front kuta dahin Social Front lam pawhin Awareness Campaign te neiin Kaihhruaina Booklet an buatsaih bawk a. He thu kal zelah hian chak zawka hma lak a nih theih nan sawrkara thlen tur awm chite chu Chief Minister hnenah hian Synod Puipaten an thlen ta a ni.

Mizoram Chief Minister nena inkawm honaah hian Synod Puipate zing atangin Rev. P.B. Mankima, Synod Secretary (Sr), Upa Vanlalsawma Siakeng, Synod Secretary (Jr), Rev. V.L. Luaia Hranleh, Finance Officer, Rev. P.C. Pachhunga, Finance Officer leh Rev. C. Zoramawia, Senior Executive Secretary te an tel thei a ni.

❑ Central KTP buatsaih Ruihhlo Do Awareness Campaign

August 15, 2024 (Ningani) khan Central KTP buatsaihin Ruihhlo Do Awareness Campaign (Aizawl District) Electric Veng Kohhran Hall-ah neih a ni a, Branch aiawh mi 242 an tel.

Campaign hi hun hniha hman a ni a, chawhma hun hi Pu F. Lalremruata, Chairman, Ruihhlo Do Sub-Committee-in kaihhruaiin Dr. Robert S. Halliday, Chaltlang-in hun a hmang a. Chawhnuah Pu C. Lalkhawngaiha, Asst. Secretary, CKTP-in kaihruiin Pi V. Vanlalruati, Venghnuai-in hun a hmang bawk.

KTP General Conference-in Ruihhlo Do kawnga hmalak an rel angin Ruihhlo Do Awareness Campaign hi neih tan a ni a. Ruihhlo Do Awareness Campaign hi Branch tinah inkhawm tum khat tal buatsaihin, Branch aiawha kalte hi Resource Person atana hmang theuh turin CKTP chuan a beisei nghal a ni.

Campaign hi District dangah September 16, 2024 leh October 2, 2024-ah te neih leh tura ruahman a ni.

❑ Worship

August 13, 2024 (Thawhlehi) khan Khawkawn Kohhranah Zai hruai training neihpuiin Tv. H. Lalzhazuala, Music Instructor leh Tv. Lalremruata, Keyboardist te an kal.

❑ Finance

August 16, 2024 (Zirtawpni) hian Khawzawl Venglai Bialah Synod Sum vawn dan training pein Finance Department atangin Upa Lalrosanga Kawlni leh T.Upa R. Lalbiakdika te an kal.

❑ SL&PB

August 17, 2024 (Inrinni) hian Kawnpui Bialah Literature Seminar neihpui turin Rev. Lalbiaknia, Editor, Pu Zohmangaiha, Asst. Editor leh Pu Eric Lalnunmawia, O.A te an kal ang.

❑ Social Front

August 17-18, 2024 hian E. Lungdar Joint Kohhran Committee huaihawtin Social Reforms Campaign neih a ni dawn a. Campaigner-te, Rev. Lalrinmawia, Rev. Dr. Lawmsanga leh Upa Dr. Lalrintluanga, te an kal ang.

❑ MSSU

August 17, 2024 (Inrinni) hian Saipum Bialah Sunday School zirtirtu training neihpui turin trainer-te, Upa K. Vanlalnghaka leh Upa Lalchualova te an kal ang.

❑ **Prison Ministry**

- ◆ August 15, 2024 (Ningani) khan Synod Prison Ministry chuan Central Jail & Central Women's Jail-a tâng mêkte chu Fakna Inkhawm leh Zaikhawmpui buatsaihsakin nilengin hun an hmanpui. Chawhma lamah Central Women's Jail lamah kham lo taka hun hman a nih hnuin chawhnu lamah Central Jail Mipa lam leh Masihi Sangati-ah hun hlimawm tak hman a ni bawk. Fakna inkhawm hi Rev. Lalhmuchhuaka, Prison Ministry Director leh Counsellor-ten an hmanpui a, ex-inmates pathumin an tawiawm bawk a ni.
- ◆ August 17-18, 2024 chhung hian Prison Ministry Awareness Campaign nei turin Lunglei Chanmari Bial leh Lunglei Venglai Bialah Rev. Lalhmuchhuaka, Director, Tv Lalrempuia, Speaker, Saltang Chhuahtu Team leh Prison Ministry Counsellor-te, Pu C. Lalchhanchhuaha leh Tv Lalthansanga Sailo te an kal ang.

❑ **Synod Mission Board**

◆ **Barak Area Mission Field**

August 10, 2024 (Inrinni) khan belhtu thar pakhat a awm.

◆ **Assam Mission Field**

August 11, 2024 (Pathianni) khan belhtu thar pakua an awm.

◆ **Delhi Mission Field**

August 11, 2024 (Pathianni) khan belhtu thar pali an awm.

◆ **Jharkhand Mission Field**

August 11, 2024 (Pathianni) khan belhtu thar pahnih an awm a, kohhran dang atangin kan kohhranah mi 10 anrawn inpe bawk.

◆ **Odisha Mission Field**

August 11, 2024 (Pathianni) khan belhtu thar pahnih an awm.

◆ **Arunachal & Assam Mission Field (West)**

August 11, 2024 (Pathianni) khan belhtu thar pahnih an awm.

◆ **Karbi Anglong Mission Field**

August 11, 2024 (Pathianni) khan belhtu thar pakhat a awm.

◆ **Lucknow Mission Field**

August 11, 2024 (Pathianni) khan belhtu thar pakhat a awm.

◆ **Patna Mission Field**

August 11, 2024 (Pathianni) khan belhtu thar pathum an awm.

◆ **Cambodia**

August 11, 2024 (Pathianni) khan belhtu thar pathum an awm.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Ratu	In kang	1	₹ 20,000/-
2.	Rangvamual	Damlo	2	₹ 20,000/-
2.	Khuangleng	Leimin tuar	1	₹ 10,000/-
3.	Salem Veng	Damlo	1	₹ 10,000/-
4.	Tuikual South	Khawsak harsa	1	₹ 10,000/-
5.	Saichal	Damlo	1	₹ 10,000/-
6.	Sihphir	Damlo	1	₹ 10,000/-
7.	Saihapui V	Khawsak harsa	1	₹ 10,000/-
			Belh khawm	₹ 1,00,000/-

❑ **FM Zoawi - Aizawl & Lunglei : Hruaina Eng Radio Programme**

August 16, 2024 (Zirtawpni) @ 7:30 p.m. : FAK HLA HUANG

Solo : Malsawmzuali, **Thusawi** : Pu John Lalhruaitluanga - Zirna, Infiamna leh Rawngbawlina, **Solo** : R. Lalrinmawii (Arini)

❑ **Su Samachar Prasaran Programme :**

August 18, 2024 (Pathianni) 5:30 pm. :

Group/Choir/Solo : R. Jydiel - Kaise Pukaru Masiha, **Group/Choir/Solo** : Chanmari Masihi Sangati - Jisu Tomai, **Sermon** : Zohmingthanga - Prabhu Yesu Hamare Vishram Sthal, **Group/Choir/Solo** : Eli Varte - Sonpapi, **Group/Choir/Solo** : Chhinga Veng Bial Masihi Sangati Zaipawl - Teri Stuti Mein Karun

❑ **Hruaina Eng TV Programme**

- 15.8.2024 (Ningani) 8:30 pm : Thupui zir bing
- 16.8.2024 (Zirtawpni) 5:00 pm : Kristian Naupang Pual
- 17.8.2024 (Inrinni) 5:30 pm : Puitling Sunday School Zirlai
- 18.8.2024 (Pathianni) 8:00 am : Weekly round up
- 5:30 pm : Su Samachar Prasaran
- 19.8.2024 (Thawhtanni) 8:30 pm : Hruaina Eng Luang chhuak

❑ **Moderator leh Executive Secretary-te Programme:**

Rev. R. Vanlalnghaka : Moderator

Aug. 17-18, 2024 Kohhran tlawh-Suangpuilawn Bial

Rev. C. Zorammawia : Senior Executive Secretary

Aug. 19, 20204 FG&CC programme

Aug. 22, 2024 Synod Hmathlir buatsaih Seminar

Rev. V.L. Luaia Hranleh : Executive Secretary

Aug. 19, 2024 Rescue Home Committee

Aug. 21-22, 2024 Shillong-North East India Translation Advisory Committee (NEITAC)

Aug. 23-25, 2024 Seminar-Delhi Kohhran

Rev. Dr. K. Lallawmzuala : Executive Secretary

Aug. 3-15, 2024 Field Committee-Siliguri, Nepal, Calcutta leh Odisha

August 20-a Synod Officers' Meeting (OM)-ah Moderator leh Executive Secretary-te an tel ang.

RAWNGBAWLNA HNA RUAK DIL THEIH

A hnuai tarlan rawngbawl hnate hi Mizoram Presbyterian Kohhran hnuai a ruak a. Mizoram Presbyterian Kohhran mi, kum 18-35 inkar, ni 20.9.2024-a kum 18 pum tawh, kum 35 la pumhlum lo, zuk leh hmuam leh ruih theih thila fihlim tan dil theih a ni. Dilna Form leh Tualchung Kohhran Confidential Report Form hi Synod Service Board Office, Aizawl leh Synod Office, Lunglei atangin ni 6.8.2024 (Thawhlehi) atangin lak theih a ni ang. Dilna hi Synod Service Board Office, Aizawl-ah theh luh tur a ni a, dilna form man ` 20/- a ni. Dilna form-ah hriat tur pawimawh tarlan a ni.

1. Synod hnuai THAWK TUR

- Hna hming : Office Assistant (Contract), Post - 1
- Thiamna : HSLC of any recognised Board with at least CCA/CCC
- Hlawh : Synod hnuai Office Assistant (contract) hlawh

2. P.C. GIRLS' SCHOOL-A THAWK TUR

- Hna hming : Chowkidar (Contract), Post 1
- Thiamna : Class VIII certificate holder
- Hlawh : Synod hnuai Chowkidar (contract) hlawh
(Diltu chu PC Girls' School Quarters-a awm chilh thei a ni tur a ni).

- Dil theih hun chung : Ni 6.9.2024 (Zirtawpni) dar 3 p.m. thleng
- Written test hun : Ni 14.9.2024 (Inrinni) Dar 10:30 a.m.
- Interview hun : Ni 20.9.2024 (Zirtawpni) Dar 10:30 a.m.

Sd/- Rev. C. Zorammawia
Secretary
Synod Service Board
Synod Office; Aizawl

